

Incumbensa Rettich concernent la reducziun da food waste

Cun stgars 30 % è d'attribuir al nutriment la gronda part da tut las grevazzas per l'ambient che resultan en Svizra pervia dal consum e pervia da la producziun. Perquai èsi spezialmain dischagreabel ch'in terz da las victualias producidas na sa tschenta insumma mai sin maisa. En Svizra vegnan destruidas mintga onn 2,6 milliuns tonnas victualias irreproschablas (Rapport davart l'ambient 2018, Uffizi federal d'ambient [UFAM]). Da l'autra vart vivan – tenor l'Uffizi federal da statistica (UST) – 615 000 persunas al minimum d'existenza u sut quel. Differentas organisaziuns d'utilitad publica salvan las victualias da la destrucziun e las repartan a persunas pertutgadas da povradad. Uschia prestan ellas ina contribuziun socialmain responsabla ed ecologica-main duraivla a favur d'in tractament raschunaivel da victualias. En il Grischun vegn questa lavur preziosa prestada da l'organisaziun «*Tischlein deck dich*» ch'è activa en otg lieus en il chantun. Er la Caritas venda victualias per pretschs reducids. Dentant mo ina part da las victualias che na dastgan betg pli vegnir vendidas, ma che pudessan anc ditg vegnir consumadas, arriva dal commerzi en detagl e da la gastronomia ad ina da las organisaziuns da repartiziun. E mo ina pitschna part da la populaziun basegnusa ha la pussaivladad d'acquistar victualias favuraivlas sin questa via. Er en il Grischun manca ina rait da posts da consegna ch'è activa en tut il chantun e durant l'entir onn. Persunas pertutgadas da povradad datti dentant en tut las regiuns. Qua po il maun public surpigliar ina rolla activa. La surdada da victualias betg pli vendiblas dal commerzi en detagl e da la gastronomia ad organisaziuns d'utilitad publica pudess vegnir extendida cleramain; l'offerta e la dumonda èn avant maun. Campagnas da sensibilisaziun sulettas na bastan betg. I dovra ina strategia concernent la conservabladad da victualias sco er ina meglra prontezza dal commerzi e dals producents da s'engaschar activamain per impedir food waste.

Las sutsegnadras ed ils sutsegnaders incumbenseschan la Regenza:

- d'elavurar in concept per garantir durant l'entir onn ina infrastruttura en tut las regiuns dal chantun Grischun;
- da promover la distribuziun da victualias betg pli vendiblas, dentant anc mangiablas a persunas pertutgadas da povradad ed a persunas cun paucas entradas;
- da definir en quest rom mesiras correspudentas per impedir food waste.

Cuira, ils 19 da zercladur 2020

Rettich, Caluori, Gasser, Baselgia-Brunner, Brunold, Cahenzli-Philipp, Cantieni, Cavegn, Degiacomi, Deplazes (Cuira), Deplazes (Rabius), Flütsch, Gartmann-Albin, Geisseler, Hardegger, Hartmann-Conrad, Hofmann, Horrer, Kohler, Kunfermann, Loi, Maissen, Müller (Susch), Müller (Favugn), Natter, Perl, Preisig, Rutishauser, Schwärzel, Thöny, Tomaschett-Berther (Trun), von Ballmoos, Widmer (Favugn), Wilhelm, Zanetti (Landquart), Giudicetti, Pajic, Spadarotto